



GIG
CYMRU
NHS
WALES

Iechyd a Gofal
Digidol Cymru
Digital Health
and Care Wales

Tŷ Glan-yr-Afon
21 Heol Ddwyreiniol Y
Bont-Faen, Caerdydd
CF11 9AD

Tŷ Glan-yr-Afon
21 Cowbridge Road
East, Cardiff
CF11 9AD

Datganiad Cydraddoldeb, Amrywiaeth a Chynhwysiant

Mae Iechyd a Gofal Digidol Cymru (DHCW) yn gyflogwr cynhwysol a chyfle cyfartal gyda gweithlu amrywiol sy'n dod ag ystod eang o wybodaeth ac arbenigedd i'r sefydliad. Ni ellir cyflawni ei weledigaeth 'Unwaith i Gymru' heb ymrwymiad a phrofiad ei staff.

Datblygwyd ein Cynllun Cydraddoldeb Strategol i sicrhau bod cydraddoldeb, amrywiaeth a chynhwysiant yn parhau i fod ar frig ein hagenda i gefnogi ein gweithlu a'n gweledigaeth ar gyfer gwella gofal i gleifion.

Dyletswydd y Sector Cyhoeddus

O dan Ddeddf Cydraddoldeb 2010, mae gennym ddyletswydd cydraddoldeb y sector cyhoeddus i wneud pob un o'r canlynol:

- Rhoi sylw dyledus i'r angen i gael gwared ar wahaniaethu anghyfreithlon, aflonyddu, erledigaeth ac unrhyw ymddygiad arall a waherddir gan y ddeddf.
- Hyrwyddo cydraddoldeb cyfle rhwng y bobl sy'n rhannu nodwedd warchodedig a'r rhai nad ydynt
- Meithrin perthnasoedd da rhwng y bobl sy'n rhannu nodwedd warchodedig a'r rhai nad ydynt

Mae'r nodweddion gwarchodedig yn cynnwys oedran, anabledd, ailbennu rhywedd, priodas a phartneriaeth sifil, beichiogrwydd a mamolaeth, hil, crefydd a chredo, rhyw a chyfeiriadedd rhywiol.

Rydym wedi ymrwymo i hyrwyddo ac ymgorffori diwylliant o gydraddoldeb, amrywiaeth a chynhwysiant, gan sicrhau bod yr holl wasanaethau a pholisïau'n mynd trwy asesiad effaith cydraddoldeb trwyadl er mwyn osgoi unrhyw effeithiau niweidiol ar ein pobl a'n cleifion sydd â nodweddion gwarchodedig.

Fel rhan o'n hagenda cydraddoldeb, rydym wedi trefnu digwyddiadau i hyrwyddo amrywiaeth a chynhwysiant yn ein sefydliad. Mae hyn yn cynnwys cynnal digwyddiadau ar gyfer Diwrnod Rhyngwladol y Menywod, Diwrnod Rhyngwladol y Dynion, mynychu Pride Cymru a chyhoeddi blogiau staff am ylliau a digwyddiadau crefyddol.

Yn 2022, llwyddwyd i gynnal y Safonau BS 76000 Gwerthfawrogi Pobl a BS 76005 Amrywiaeth a Chynhwysiant. Mae BS 76000 yn darparu fframwaith i sefydliadau werthfawrogi pobl, er budd y ddwy ochr. Mae wedi'i seilio ar y gred mai pobl yw ased mwyaf sefydliad ac y dylid eu trin felly - er mwyn i'r sefydliad gael y gorau o'i staff ac i'r gweithwyr gael y gorau o'u bywydau gwaith. Mae'r BS76005 yn adeiladu ar yr egwyddorion hyn ac yn cynnwys croesawu amrywiaeth, atal gwahaniaethu a darparu diwylliant gwaith cynhwysol.

02920 500 500

igdc.gig.cymru | dhcw.nhs.wales



GIG
CYMRU
NHS
WALES

Iechyd a Gofal
Digidol Cymru
Digital Health
and Care Wales

Tŷ Glan-yr-Afon
21 Heol Ddwyreiniol Y
Bont-Faen, Caerdydd
CF11 9AD

Tŷ Glan-yr-Afon
21 Cowbridge Road
East, Cardiff
CF11 9AD

Yn 2022, llwyddwyd i gynnal Safon Aur Iechyd Corfforaethol - gwobr yn y gweithle yng Nghymru am ein hymrwymiad i Iechyd a Lles. Rydym wedi cyflwyno sawl menter iechyd a lles ar gyfer ein staff, gan dynnu sylw at ddiwrnodau ymwybyddiaeth iechyd a datblygu rhwydwaith cymorth o Swyddogion Cymorth Cyntaf Iechyd Meddwl.

Rydym yn falch o fod yn gweithio mewn partneriaeth â sefydliadau i ddangos ein hymrwymiad i'r agenda cydraddoldeb ac amrywiaeth.



02920 500 500

igdc.gig.cymru | dhcw.nhs.wales